

चोकोटना कबूर

मूडवा पुस्तक



चोकोट्ना कबूर

मूडवा पुस्तक

इद मुंने वाचि कीम्ट	2
१ रुसीरु येसुनु पूजा कियुले वातेर	3
२ ऊतरा सिय्वल योहानु	6
३ वच्चि सोत्तोर मय्नल	11
४ गुड्डि मय्नल सूडुमड	15
५ सर्कारि अदिकारि तोर मरिं बेमारि मत्तोर	23
६ चीरि सोनजि मनता अद्सरि	25

इद मुंने वाचि कीम्ट

येसुनु लासि कतंग मनतंग। इदु पुस्तक नगा वेल्ले मनता।
तोडोसा वोर कीतंग कटिन्तंग कामकु,
उनडे वोरु मानदितुन वेहता बोदंग गिर वेहचेर मनता।
इंके इस्रायेल इनजेर केय्वल देशम नगये येसु मत्तोर।
हक्के पिस्वलिर मानदितुन रोप्पो वेल्ले लोकुरु,
यूदुलुकु इनजेर केय्दिर।
यूदुलुकु आजादु मय्नलिरु आयोरु।
ऊरुकुनु रोमा देशम नूर यूदुलुकुनु
परिपालना कीसेर मत्तेर।
रोमा देशम नूर यूदुलुकुन निर्नयम कीतेर।
वोरु वेल्लेने कड्डु मय्नल, उनदि जोका
भगवनतल यूदुलुकुन लासि बोन्तेर
वोरोर चोकोट राजनु सारिकीका, इनजेर प्रमान कीतोर।
अदेन कर्ता वोरु चोकोट नोर राजलु वासि,
ऊरुकुन आजादु मनय्लिर्गा कीनतोनु इनजेर,
वोरु वाय्वलु दिवोसुन लासि,
यूदुलुकु सरि सूडुसेर मनदिर।
इदु पुस्तकम नगा मंवलिक कतंग,
ऊरा बय्बिल तगा मंवलिके,
उनदि कता तुन पूरा वाचि कीता पेज्जे,
दुस्रो कता तुन सुरु कीम्टु।
चव्ता पुस्तक नगा येसुना कतंग बच्चे वाचि कीयवच्चु।

१ रुसीरु येसुनु पूजा कियुले वातेर



येसु जनमा आता पज्जा,
तोडोसा मानदि रुसीरु,
तूरपु देशम नगटल येरूसलेमु चहर ते वातेरा।
वोरु लोकुर संग्गा हीनु इत्तोर।
यूदुलुकुनु राजलु आयुवलु
कानडिर वोरु बग्गा मनतोर?
मोम्मेटु तूरपु देशम नगा वोना सुक्कुम
सूडसि वोनु पूजा कियुले वातोमु।
इव्वु गोह्तिंग केनज्तोर अस्के हेरोदु राजलु
येरूसलेमु मंवलिर सम्दिर वेल्लेने हा!

हा! इनजेर परपेडे मत्तेरा। अस्के राजलु,
यूदा मतमुनगा मनुवलु नायकुल्कुन केय्सि,
हीनु पूसि कीतोर। "मीकुनु प्रमान कीतोर
वोरु राजलु बग्गा पुड्तोरु?" अदेनुकु
वोरु बेत्लेहेमु नाटेने वोरु पुट्टनूर।
बारि इत्तेके प्रवक्तल हीनु लिहि कीतोरु की,
यूदु देश्रा बेत्लेहेमा, निम्मे यूदुल्क
नगा डगूर चहारतु रोप्पो निम्मे उनदि।
नावा इस्रायेलु मानदितुन पालना
कियुलेनु नीह्गटल वानूर इनजेर इत्तोर।

अदेन लासि, हेरोदु राजलु तूरपु देश्रा
रुसिरुकुनु मरुमु केय्सि बेटिआसि
सुक्कुम दिसुता अगटलु,
कुल्ला, कुल्ला पूसिकीसि हीनु इत्तोर।
"मिरट्टु अदु वोरु पेडन लासि चोक्कोट्टुने मह्क्सि कुन,
वोरु पेडनु सापिडि कीतेके वेयने नाकुन कबूर कीम्टु,
नन्ना गिर सोनजि वोन पूजा कीनतोनु।"
तूरपु देशम नगटलु वातेर ऊरु सोनजेर मंनेके,
सरितगा वोर मोदोल सूडसि मत्तेर,
अदु सुक्कुमुन उनडे सूड्तेर।

अदु वोरोनुकु मुंने मुंने ताकुसेर,
आक्रितुन वोर कानडि मत्तोर।
अदु रोतु पोरों सर्कले निलुता। ऊरु
सम्दिरु अदु सुक्कुमुन सूडसि वेल्ले कुसि आतेर।



वोरु अदु रोतु रोप्पो सोनजि, येसु मंवल कानडिनु,
वोना बेयेनु सूडतेर। ऊरु टोंग्रान
पोरों निलसि वोनु पूजा कीनतेरु।
तम्वा सनदोक्रा टेनडिस सोने, सांब्रानि, बोलम मंवलिक,
चोकोट वास पाय्वलिकुना, वोन्कु इनाम सीतेर।
हेरोदु राजलीर्गा सोंवल सेल्ले इनजेर।
कनजूकाटेंग भगवनतल हुकुमुसीनेके,
वोरु अजुकु दुस्रो सरि तम्वा देश्नेके सोत्तोर।

२ ऊतरा सिय्वल योहानु



येसु गलिलयनगा मंवल नजरेतुना
नाटेन रोप्पो वेर सोत्तोर।

अस्के वोरु तीसा सालुकु नोरु मत्तोर।
यूदुया नगा मंवल केडते ऊतरा सिय्वल,
वोरोर योहानु मंवल भगवनतन
लासि चेरना वेहुवलु सुरु कीतोरु।
वोरु पब्लिकुन संग्गा, भगवनतलु दुनियतुन
पालना किय्वल, सुरु कीतोर।
पापु किय्वल सुट्टिकीसि वोनु इस्टम वाता अदु,
कीम्टु इनजेर वेहतोर।
येसु प्रवक्तलु वेल्ले दिवोसुकुन मुंनेने,
योहानु लासि लेहि कीतोर।

वोर बक्तल इत्तेके प्रभुना सरि तयारु कीम्टु वोनंग सारिंग,
नीटम कीम्टु इनजेर, केडते किलाडिंग
वाट्वलु वोर्रोना चहडु इनजेर मनता।
योहानु कपडि ऊटड केल्लूना तयारु कीता
आनदु वोर नडि सिर्मुट तोलुदा पट्टि उनडे केर्सि मंवल,
वोर चिलुका दनडुकुनु केडा काडलिकुन तिनदूर।



वेल्ले जागा नगटल, वोनंग
गोहिंग केनजिले वेल्लेटिरु वातेरा।
वोरु येरुसलेमुनगटलु, यूदुया देश
नगटल योर्थान तडितगा मंवल चहर्तल वातेरा।
ऊर कीतंग पापलुकुन कब्बे मनतेरा।
योहानु, योर्थानु कुडेडगा ऊर्कुन बाप्तिस्ममु सीतोरु।
वेल्ले यूदा मत्ता अदिकार्कुन
बाप्तिस्ममु येत्ले वायुमडु,

योहानु सूडसि, ऊर संगी हीनु इत्तोर की।

मिरट्टु पापम दातु कराबु मनतिट्टु।

भगवनतल वेय्नेने मीकुन सिक्सा सीनतोर।

वोना सोंगुनगटल तप्सि दानतोमु इनजेर इनतिट्टु बतलु,

एकानदि मिरट्टु करले पापम कीयुमडु बनदु कीतेके,

अदु मीवा पिस्वाल रोप्पो तोहट्टु।

मिरट्टु अब्रहामु रोतेर पेकुरूकु आनदुमु इनजेर तप्पु सी सि,

सोनुले सूडुमट, भगवनतलु इव्वु बादल्कुन

येच्चि तान्गटलु अब्रहामु पेकुरुनु पुट्टु सीतोर।

वोरोर मयूनल, मर्रा चोकोट पनडिंग सिय्वक सोत्तेके,

अदेनु मेदोल बूड्तले नेट्क्सि बहन डुनडुसीनतोर,

हाने भगवनतल मीकुन गिर,

बतय कामु नोरु आयोर इनजेर, तपस कीनतोर।

मिरट्टु पापमुनु सुट्टिकीसि मनतिट्टु,

इनजेर तोहन साटि, नन्ना

येते बाप्तिस्ममु सीसेर मनतोन्,

बत्ति ना पेज्जे वोरोर वासेर मनतोर।

वोरु परिसुद्धत्मत तोडो बाप्तिस्ममु सीसिकुनु

तडमि इट्टिस मापि कीनतोर। मीकुनु मापि कीनतोरु।

वोरु नाकुनु अदिक सक्ति मनतल आनदूर।

वोन्ग चेप्पुल कुन केय्दे वोय्ले कुनु गिर,


नन्ना कामुनोना आयोनु।

वोना केय्दुन केय्दे पिप्सि कुन,

वाव्ते मनतोर वोरु केतिदारन दातु मनतोर।

वोरु पोद्दुनगटलु चोकोट विद्यतुनु वेगोरा कीतपु,
चोकोट मंवलिर कुन, कराबु मंवलिरुगटल,
वोर अलग कीनतोर।

चोकोट बुद्धितुन गादेतगा इरुतपु,
चोकोट मय्नलिरुकुनु तना करुम इरनतोर।
पोद्दुतुनु पेक्कि कीसिकुन पोत्तु सीतपु,
कबूर लोकुरुकुनु बस्केट गिर टेनडिस वाटनतोर।



अदु वक्कतुन येसु गलिलयनु सुट्टिकीसि,
योहानु बाप्तिस्ममु सिय्वल कुडेर तगा सोत्तोर।
वोरु येहानुतुन तनकु बाप्तिस्मम सीमु इनजेर,
पूसि कीतोरु सुरु योहानु कब्बे माय्वक निम्मे
नहगा वाय्वल सेल्ले, नन्नये नी केय्दे बाप्तिस्मम
येत्वल आनदुन इनजेर इत्तोर।



अदेन साटि येसु हीनु जवाबु सीतोर की,
दया कीसि नाकुन बाप्तिस्मम सीमु।
हीन कीतेके मरटु भगवनतना इस्टनतुनु
सम्दि कियवलिर कुन दातु आनतटु।
अदेनु साटि योहानु येसुनु
बाप्तिस्मम सीयुले कब्बे मत्तोर।
वोरु बाप्तिस्मम येत्तोर अस्के वोरु येतलु डड्डिते
वानेके, अस्के भगवनतल हाबर्तगटल हीनु इत्तोर,
निम्मे पीटोर मरिं आनदि। नन्ना वेनु
हिनदल वेल्लेने कुसि आसेर मनतोना।
नन्ना वेनुगा वेल्लेने कुसि आसेर मनतोना।

३ वच्चि सोत्तोर मय्न्ल

गलिलयनगा तोडोसा दिवोसुकु आता पज्जा,
येसु कप्रेर्नहोमु चहर तेके उनडे मलसि वातोर।
वोरु रोतेके मलसि वातोर इनजेर,
वेल्ले लोकुर केनज्तेर।
लोकुरु वोनु सूड्ले वानेके, वोरु
भगवनतन लासि बोदा किय्ले सुरु कीतोर।

वेल्ले लोकुरु हक्के मत्ता काडकि रच्चते गिर,
जागा सिलुवकु मनता, गर्दि आता
पेज्जा गट्कमेट्टे नालुवीरु मय्न्लिर,
वोरोर ताकवायो वोर मय्न्नन तोच्चि तत्तेर।
वोरु बेमारिते कट्टुल तगा पट्टिस मनतोर।
वोरु वोनु येसुनु करुम पिथिस वायन इनजेर मत्तेर।

बत्ति पब्लिक जास्ता मीरे मासि मत्तकाडकि,
वोनु पिथिस कुन करुम सोनुवेके आतेर।

अदेन साटि नाल्वीर मयूनलिर अदु
रोत पोरुडुकु वेस्ता तान जर्सि टेनडिस,
बेमरि मयूननु कटुट तोडो पोर्रो वोसिकुन,
येसुना मुंने बेमारि मयूननु रेहतेरा।



येसु वोनुकु तंवा पोर्रो मत्ता विस्वसुन सूडसि,
बेमरि मयूनन तसो हीनु इत्तोर;
"नावोर मरिनि नीवंग पापल्कु मापि आतंगा।"
हक्के कहि यूदा मत्ता बोदलिर मत्तेरु,
वोरु तम्बतम्मेय हीनु इनजेर मनतेर,
"वेरु बारि हीन गोहिंग कीनतोरु,
वेरु भगवनतनु अनमान कीसेर मनतोर।
भगवनतनु सुट्टिकीसि बोरे पापल्कुनु मापि कीयूरु।"

वोरु बतल सोंचि कीनतोरयो,
येसु सम्जे मनतोर।
सम्जेमासि वोनु तसो हीनु इत्तोरु।
"मिरटु बारि आतंग
विसयंकु सोंचि कीनतिटु?
"निम्मे तेच्चि नीवंग कपडिंग पिथिस
ताका!" इंवलु गोह्टीत्तकाडकि,
नी पापु कु मापि आनतंग,
इनजेर वेहुवलु सस्तोमत्ता!
पापल्कुन, मापि कियुले ,
मयूननोर, मरिन्कु ,
बोम्मित पोरों अदिकार सीसिमनता।
इनजेर नन्ना पुरवु कीनतोनु।"



अस्के ताक वाके मत्तोर वोन तर्सो

येसु हीनु इत्तोर:

"तेच्चि नीवा कपडिंग पिचिस तोच्चि रोतेके सो!"

वेर मयूनल तेच्चि कपडिंग तोच्चि

अदु रोतलु बही वातोर।

हक्के मंवलिर सम्दिर, अद सूडसिकुन

वेल्लेने करुम आतेर हा! इत्तेर।

वोरु भगवनतन स्मरना कीसेर हीनु इत्तेर,

"मोम्मोटु इदेन मुंने बस्केने

ईतंग कामुकु सूडमकि हा।।।।"

४ गुड्डि मय्न्ल सूडुमड

येसु सरि पिथिसि सोंनेके, पट्त्तोर
अगटल वोरोर मय्न्ल सूडुत्तोर।
वो नेर सिस्स्यलिरु हीनु पूसि कीतेर;
येसु! बोदा दारा!
बोना पापुत्तुन लासि,
वेरु गुड्डि आसिकुनु पुट्त्तोर?
वेरें की वेनेर बेये-बाबल की इदेना कारन बतल?
अदेन कर्ता येसु,
"वेना पापु, आयो, वेनेर बेये-बाबना पापु आयो,
वेरु गुड्डि आयुले कारन आयो,
बत्ति भगवनतना सक्ति वेनुगा बह्नी दिसन्साटि,
वेरु गुड्डि मय्न्न दातु पुट्त्तोर।
पिय्यलु पोड्दु नाकुन सारि कीत्तोर वोनंग कामकु कीमु।
नाकु सिकाटि आसेर्वता, अस्के बोरे कामु कियूर।
नन्ना इदु दुनियतगा मन्नल वेरि,
दुनियतुनु नन्ना उजुड्त्तुन
दातु मनदनतोनु।"



वोरु हानु वेह्चि बोम्मिमत पोर्रो उस्कसि कुन
 चिक्ला कीसिकुन वोना कड्दगा लावि कीसि हीनु इत्तोर।
 "निम्मे सोनजि सिलोया इंवल तडितगा
 नीवा कडु नोर्ला" इनजेर रोहुतोरु।
 अदेन कर्ता वोरु सोनजि कडुदुन नोर्सिकुन वातोर।
 अस्के वोनुकु सूडुलेनु कडुदुन दिस्ता।
 वोनु सिर्मुटु अग्ला-बग्ला मंवलिरु सम्दिर,
 बिच्चम तल्क सेरु मंनेके सूड्तेर ऊरु हीनु इत्तेर,
 वेरु उच्चिकुनु बिच्चम तलुकुवाल
 मय्न्ल आयोर इनजेर पूसि कीतेर।
 कहि लोकुरु "वेर, वोर" इनजेर, उनडे कहि
 लोकुरु "वेरु आयोर वोरु बिच्चम तल्कुवालु
 गुड्दि मय्न्नु दातु मनतोर अच्चोरे " इत्तेर।

वोर्ते नन्नये गुड्डि मय्नना इनजेर इत्तोर।
 हक्के मनतेर ऊरु सम्दिर "नीवा कडु
 बहन चोकोट आता ?" इनजेर पूसि कीतेर।
 वोरु "येसु इनुवलु वोरु उस्कसि चिक्ला कीसि
 नावा कड्डुन सोक्त्तोर सिलोयम इनुवलु
 सोनेटित रोप्पो कडु नोर्रा " इनजेर इत्तोर।
 "नन्ना सोनजिकुन नोर्नेके,
 कडुदुन दिस्ता ।" इनजेर वेह्तोर।
 "वोरु बग्गा मनतोर?" इनजेर वोरु पूसि कीतेर।
 "नाकु टावा सेल्ले!" इनजेर इत्तोर।
 अदेनुकु मुंने गुड्डिनु दातु मत्तोर वोन्कु
 परिशय्यलिरु इनुवलु यूदा मत्ता भक्तलिरा करुमु वोतेरु।
 वोरु , येसु, चिक्ला कीसि कड्डुन
 चोकोट कीता नेटि चोकोट दिवोसु आनदु।
 अदु नेटि भगवनतना पूजा कीसि आरमु
 येचिकुनु मनुवल नेकिता चोकोट्ना दिवोसु।
 परिश्यलिरु हीनु पूसि कीतेरः
 "निम्मे! बहनु सूडुलेनु आनति!?
 नीवा कडुदुन बहन दिसनता?"

वोरु परिश्यलिरा तसो "वोरोर मयूनलु नावा
कडुदुन पोरु चिक्ला कीसि, सोकुतोरु।
नन्ना कडुदुन नोर्सिकुनु इंके
सूडुसेर मनतोनु ," इत्तोरु।
कहि परिश्यलिरु "इद कामु कीतोर वोरु
मयूनलु सब्बातु दिवसुनु वोरु मानिकीसेर सेल्लोरु।
अदेनु कर्ता वोरु भगवनतनगटलु
वासि मनतोरु आयोरु " इनजेरु मनतेरा।



कहि लोकुरु "पापि इनुवलिरु मयूनलु ईतंग,
गाब्रेमाख्वल कामुकुनु बहनु कीनतोरु?" इत्तेरा।
हीनु परिस्यालिर रोप्पो बेदम पुटुता!

अदेन कर्ता ऊर सम्दिर उनडे वोनु तर्सी हीनु पूसि कीतेरः

"वोर नीवा कड्दुन चोकोट कीतोर इनजेर इनती,
वोन्कु निम्मे बतल इनजेर सम्जेमानति?

"वोर उनदि प्रवक्ता आनदूर।" इनजेर इत्तोर।

यूदा नायकुलिरु । वोरु गुड्डि मयूनल

आसिकुनु गिर सूडसेर मनतोर इत्तेके।

बरोसा पिय्वकु वोनेर बेये-बाबलिर

कुन केय्सि हीनु पूसि कीतेरु।

वेरु गुड्डिन दातु पुड्तोर इनजेर मिरटु इनतिटु करले,

वेर इंके बहन सूडसेर मनतोर?

वोनेर बेये-बाबन हीनु जवाबु सीतेर कीः

"वेरु मात्रमु मावोरु पेडल इनजेर माकु टावा,

वेरु गुड्डिन दातु पुट्तोर इनजेर माकु टावा,

बत्ति वेरु बहन सूडसेर मनतोर।

अदु मात्रम माकुन टावा सेल्ले।

बोरु वेन्कू सूड्वल सीतोरोय अद्गिर टावा सेल्ले।

वोन्कूने पूसिकीम्टु वोरु वेहनतोरु।"

यूदु नायकुलिरुकुनु वेरिसि वोरु हानु वेहतोर।

बारि इत्तेके बोरे आयि येसुनु भगवनतना

केय्दे प्रमान कीयुस्तोर राजलु इनजेर वोप्पुतेके,

ऊरुकुन संघम नगटलु टेनडिस वाटाना इनजेर,

यूदुलुकु मुंनेने राय्पास कीतेर।

अदेन लासिये वोनैर बेये-बाबलिर वोन्कु
वेहनतेरु वोन्कूने पूसि कीम्टु इनतेर।
परिशय्यलिरु गुड्डिन दातु पुटुतोरु
वोनु दुस्रो जोका केयुसि,
निम्मे करल वेहनति इनजेर भगवनतन
मुंने प्रमान कियाना नीकुन सूड्लेन
कीतोरु वोरु पापि इनजेर।

माकु टावुकु इत्तेर।
अस्के वोरु हीनु इत्तोर की वोरु पापियो
बत्तलोय नाकु टावुकु सेल्ले,
उनदि मात्रम नाकु टावुकु मनता मोदोल नन्ना
गुड्डि मत्तोन इंके नन्ना सूडनतोनु
इनजेर ऊरु तसो इत्तोर।
वोरु नीकु बतलु कीतोर इनजेर ऊरु पूसि कीतेर।
नन्ना मीकुनु मुंनेने वेहतोनु बत्ति मिरटु केनज्मकि,
उनडे बारि केनजाना इनतिटु मिरटु वोनैर
सेव्कलिरु आयना इनजेर सूडनतिटु
इनजेर वोरु ऊर तसो इत्तोर।

अस्के वोरु वोनु चेडिकीसेर निम्मेये वोना सेव्कल आनदि।
मोम्मोट दुस्मन सेव्कलिरु आनदुमु।
भगवनतलु दुस्मन सेव्कलिरु संग्गा गोह्दिंग
कीतोर इनजेर, हेतु मनता।
बत्ति वोरु बगटलु वातोर!
अदु माकु टावुकु सेल्ले इत्तेर।



अस्के वोर मय्नुल हीनु इत्तोर:

"वोरु बगटलु वातोर

अदु मीकुन टावा सेलुवकु मंवलु बहन?

बत्ति वोरु नाकुनु सूड्लेनु नदूर सीतोर।

भगवनतलु पापुवालिरा विननति केनजोरु

इनजेर माकुन टावा मनता।

भगवनतनु मंनि कीसि वोना मान्दुन

वोना कियुवलु विननतितुन केनजा नूर।

दुनिया पुट्ता । अदु दिवोसुनल गुड्डि मय्नुनु

कड वोरु सूड्लेनु चोकोट कीतपु बस्केने केनजुमकि,

वेरु भगवनतनगटलु वायुवकु

सोत्तेके इदु कामु कीय्वकु मनदिरा।

अस्के वूरु हीनु इत्तेर:

"पापम नगा पुट्टिस डगूर आसि निम्मे माकुने
बोदा वेहनति? बतलु उनडे वोरु वोन मत्तेर
अदु मनदिर्तल बह्नी डग्लि कीतेर।



ऊरु वेनु गुड्डि मयूननु बह्नी डग्लि कीतेर इनजेर।
येसु केंचिकुन वोनु बेटि आसि हीनु इत्तोर।
नीकुनु मयूनना मरिन पोर्रो बरोसा मनता कि बतल?
अदेन के वोरु मयूनल बाबा नन्ना
वोनु नम्मिस मंले वोरु बोरु आनदिर वेहा इत्तोर।
येसु वोनु तसो निम्मे वोनु सूडुसेर मनति
नी तसो गोह्णिंग कीसेर मनतोर वारे इनजेर इत्तोर।
वोरु मयूनलु येसुना मुंने मुर
टोंग्रान पोर्रो मनजी हीनु इत्तोर,
प्रभु नन्ना नीकुन नम्मिस मनतोनु इनजेर इत्तोर।

५ सर्कारि अदिकारि तोर मरि बेमरि मत्तोर



उनदि दिवोसु येसु यूदया नगटलु
गलिलयनगा इंवल कानानु इंवल नाट्नेके उनडे सोत्तोर।
कपेर्नेहोमु इंवल चहर तगा वोरोर
डगूर सर्कारि अदिकारि हक्के मनतोरु।
वोनोर मरि रोनु बेमारिते पट्स मनतोर।
येसु गलिलयनगा मनतोर इनजेर वोरु
अदिकारि केंचि वोनु महुक सेर-महुक सेर सोत्तोर,
अगटलु आक्रि वोनु बेटि आसिकुनु सायिले
तयार मनतोर वोनोर मरिन चोकोट
कियुले कपेर्ने नाटे वायन इनजेर पूसि कीतोर।


येसु वोनु तसोँ हीनु इत्तोर:

नन्ना! कट्टिन्तंग कामुकुनु कीतेकेन, बत्ति,
मिरट्टु बोरे ना पोरोँ बरोसा इर्विट्टु।
अदेनु कर्ता वोरु अदिकारि हीनु जवाबु सीतोर की,
"बाबा! ना वोरु मरिँ सायुले तयार
मनतोर दयकीसि वेय्नेने वरा।" इनजेर विननति कीतोरु।
अस्के येसु वोनु तसोँ "निम्मे रोनु सोँनु,
नीवोरु मरिँ चोकोट आनतोर" इनजेर इत्तोर।
वोरु आपीसारलु येसुना गोह्दिंग
नम्मिस रोता सरि पिय्तोर।



वोर अदिकारि सरि पिथिस वानेके गडियलिरु
बेटी आसि वोनोरु मरिँ चोकोट आतोर इनजेर वेहतोर।

६ चीरि सोनजि मनता अदसरि



येसु उनदि दिवोस हीनु इत्तोर की;

"दुस्रोरु नीकुन बतल-बतल कियाना इनजेर

सोंचि कीनतियो निम्मे गिर वोनुकुन हाने कियाना!

पसि कियाना अनि भगवनता नोर

दुस्रोरु बोदलिरा इत्ता बोदतुन अर्तमु इहे आनदु।

ताक्लेन ताका सिच्ये सरि डगूर मनता अनिक कराब मनता!

अदु सरि पिचिस सोनुवलिरु वेल्ले लोकुर मनतेर।

बत्ता जीवतुनु लासि ताक्कलु सरि बय चीरिसि चुडूर मनता।

अनि बय कटिन मनता अदुसरि सोंले।

कहि लोकुर मात्रम इत्तेके जरीसि

मात्रम अदेन्गा वानतेर।

अदे सरि पिचिस कुन निम्मे दायना इनजेर,

येसुना बोदा वेहनता।

Good News For You

New Reader Portion – Book 3

Southern Gondi (Telugu)

90A 1608/2007/5M

ISBN A40 GONT 049 (Vol 3)

ISBN A90 GONT 035 (Set)

Published by:

The Bible Society of India

206 Mahatma Gandhi Road

Bangalore – 560 001